

PRAVILNIK

O OBAVLJANJU ZDRAVSTVENOG NADZORA NAD LICIMA KOJA NOSE UZROČNIKE ODREĐENIH ZARAZNIH BOLESTI I NAD PUTNICIMA U MEĐUNARODNOM SAOBRAĆAJU KOJI DOLAZE IZ PODRUČJA ZARAŽENOG ILI UGROŽENOG POSEBNO OPASNOM ZARAZNOM BOLESTI, KOLEROM ILI MALARIJOM

**Član 1.
(Predmet)**

Pravilnikom o obavljanju zdravstvenog nadzora nad licima koja nose uzročnike određenih zaraznih bolesti i nad putnicima u međunarodnom saobraćaju koji dolaze iz područja zaraženog ili ugroženog posebno opasnom zaraznom bolesti, kolerom ili malarijom (u daljnjem tekstu: Pravilnik) utvrđuje se način obavljanja zdravstvenog nadzora nad licima koja nose uzročnike određenih zaraznih bolesti (u daljnjem tekstu: kliconoše) i nad putnicima u međunarodnom saobraćaju koji dolaze iz područja zaraženog ili ugroženog posebno opasnom zaraznom bolešću, kolerom ili malarijom, na području Brčko distrikta Bosne i Hercegovine (u daljnjem tekstu: Distrikt).

**Član 2.
(Definicije)**

- (1) Zdravstveni pregled je pregled doktora medicine i laboratorijsko ispitivanje biološkog materijala (u daljnjem tekstu: mikrobiološki pregled) radi utvrđivanja prisustva uzročnika zarazne bolesti.
- (2) U okviru zdravstvenog nadzora lica koja nose uzročnike zaraznih bolesti epidemiološko ispitivanje se obavlja:
 - a) prijavljivanjem, evidentiranjem i praćenjem kliconoštva otkrivenog prilikom sanitarnog pregleda,
 - b) prijavljivanjem, evidentiranjem i praćenjem kliconoštva otkrivenog u sklopu pružanja zdravstvene zaštite,
 - c) prikupljanjem podataka o putovanju i praćenjem zdravstvenog stanja putnika u međunarodnom saobraćaju.

**Član 3.
(Prijavljivanje, evidentiranje i praćenje kliconoštva)**

- (1) Prijavljivanje, evidentiranje i praćenje kliconoštva izazvanog koagulaza pozitivnim stafilokokom u brisu nosa, beta hemolitičkim streptokokom grupe A u brisu ždrijela, kao i salmonela, šigela i crijevnih parazita u stolici.
- (2) Prijavljivanje, evidentiranje i praćenje kliconoštva utvrđenog pružanjem zdravstvene zaštite podrazumijeva:
 - a) svaki slučaj kliconoštva trbušnog tifusa, paratifusa, drugih salmoneloza, šigeloze, jersinioze, kampilobakterioze,
 - b) nosilaštvo parazita – uzročnika malarije.

**Član 4.
(Praćenje kliconoštva kod trbušnog tifusa)**

- (1) Praćenje kliconoštva kod lica koje je preboljelo trbušni tifus sastoji se iz epidemiološkog ispitivanja i mikrobiološkog pregleda stolice i urina.
- (2) Epidemiološko ispitivanje lica iz stava (1) ovog člana obavlja se u terminima koje odredi doktor medicine.
- (3) Mikrobiološki pregled stolice i urina lica iz stava (1) ovog člana obavlja se tri puta, tako da se mikrobiološki pregled obavlja po isteku sedam dana od dana prestanka liječenja, a ostala dva pregleda u razmaku od najmanje 24 sata od prethodnog pregleda.
- (4) Ako su rezultati mikrobiološkog pregleda negativni, obavlja se ponovni pregled po isteku šest mjeseci od dana posljednjeg negativnog nalaza.
- (5) Ako su rezultati mikrobiološkog pregleda pozitivni, obavlja se mikrobiološki pregled stolice i urina jedanput mjesečno, sve dok se sa tri uzastopna nalaza ne dobiju negativni nalazi.
- (6) Kada se u toku godine od početka praćenja kliconoše trbušnog tifusa ne dobiju najmanje tri uzastopna negativna nalaza, takvo lice se smatra hroničnim kliconošom i to se evidentira u evidenciju kliconoštva zdravstvene ustanove.
- (7) Mikrobiološki pregled stolice i urina hroničnog kliconoše obavlja se jednom godišnje.

**Član 5.
(Praćenje kliconoštva salmonela, šigeloze, jersinioze i kampilobakterioze)**

- (1) Praćenje kliconoštva salmonela, šigeloze, jersinioze i kampilobak-

terioze sastoji se od epidemiološkog ispitivanja i mikrobiološkog pregleda stolice.

- (2) Epidemiološko ispitivanje lica iz stava (1) ovog člana obavlja se u terminima koje odredi doktor medicine.
- (3) Mikrobiološki pregled stolice lica iz stava (1) ovog člana obavlja se u dva uzastopna dana, tako da se prvi pregled obavlja petog dana od dana utvrđivanja oboljenja, a drugi u razmaku od 24 sata u odnosu na prvi mikrobiološki pregled.
- (4) Praćenje kliconoštva iz stava (1) ovog člana obavlja se sve dok se mikrobiološkim pregledom stolice ne dobiju dva uzastopna negativna nalaza.

Član 6. (Evidencija i prijava)

- (1) Doktor medicine koji utvrdi kliconoštvo iz člana 3. ovog pravilnika, takvu činjenicu evidentira u evidenciji o kliconoštvu zdravstvene ustanove, a prijavu dostavlja nadležnoj higijensko-epidemiološkoj službi Javne zdravstvene ustanove „Zdravstveni centar Brčko“ Brčko distrikt BiH (u daljnjem tekstu: JZU).
- (2) Higijensko-epidemiološka služba JZU evidentira svaku prijavu kliconoštva u evidenciju o kliconoštvu JZU i prijavu proslijeđuje Odjeljenju za zdravstvo i ostale usluge – Pododjeljenju za javno zdravstvo (u daljnjem tekstu: Pododjeljenje), koji vodi evidenciju o kliconoštvu za područje Distrikta.
- (3) O kliconoštvu utvrđenom sanitarnim pregledom, zdravstvena ustanova obavlještava nadležnu inspekciju i poslodavca kod koga je lice zaposleno u roku od 24 sata.
- (4) Evidencija o kliconoštvu iz stava (1) i (2) ovog člana, vodi se na obrascu koji je sastavni dio ovog pravilnika (ANEKS I).
- (5) Prijava o kliconoštvu iz stava (1) i (2) ovog člana vodi se na obrascu koji je sastavni dio ovog pravilnika (ANEKS II).

Član 7. (Dostava informacija)

- (1) Pododjeljenje mjesečno, a po potrebi i sedmično ili dnevno, dostavlja informacije o zemljama u kojima postoji epidemija ili rizik od obolijevanja od zaraznih bolesti, a koje se mogu unijeti u Distrikt, i o tome obavještava šefa Odjeljenja za zdravstvo i ostale usluge i nadležnog inspektora, zbog preduzimanja mjera zdravstvenog nadzora.
- (2) Zdravstveni nadzor nad putnicima u međunarodnom saobraćaju provodi se nad licima koja u Distrikt dolaze iz područja zaraženog ili ugroženog posebno opasnom zaraznom bolešću, kolerom ili malarijom, kao i nad licima koja putuju u zemlje u kojima je evidentirana neka od tih bolesti.
- (3) Zdravstveni nadzor nad licima iz stava (2) ovog člana koja dolaze u Distrikt traje za vrijeme najdužeg perioda inkubacije zarazne bolesti, koje u skladu sa stavom (1) ovog člana predloži Pododjeljenje.
- (4) Zdravstveni nadzor nad licem koje je za vrijeme boravka van Distrikta bolovalo od malarije obavlja se dok je lice nosilac uzročnika malarije.

Član 8. (Obaveza javljanja)

- (1) Lice koje u Distrikt dolazi iz područja zaraženog ili ugroženog posebno opasnom zaraznom bolešću, kolerom ili malarijom dužno je da se javi nadležnoj zdravstvenoj ustanovi u Distriktu, najkasnije 24 sata nakon dolaska iz inostranstva, i da da tačne podatke o relacijama putovanja i zdravstvenom stanju u toku putovanja.
- (2) Lice iz stava (1) ovog člana dužno je da se javlja zdravstvenoj ustanovi i podvrgne potrebnim zdravstvenim pregledima, u terminima koje odredi doktor medicine.
- (3) U slučaju da lice iz stava (1) ovog člana odbija da se javi zdravstvenoj ustanovi, odnosno da obavi potrebne preglede, zdravstvena ustanova o tome obavještava nadležnu inspekciju.

Član 9. (Spisak lica sa podacima)

- (1) S ciljem praćenja zdravstvenog stanja i pravovremenog preduzimanja potrebnih mjera za lica koja odlaze u područje zaraženo ili ugroženo posebno opasnom zaraznom bolešću, kolerom ili malarijom, kao i za lica za koja se posumnja da su bila u kontaktu s oboljelim od te bolesti, a koja putuju u grupi većoj od deset lica, organizator putovanja sastavlja spisak lica koja putuju s podacima

o:

- a) imenu i prezimenu lica,
 - b) godini rođenja,
 - c) adresi prebivališta,
 - d) broju putne isprave ili lične karte.
- (2) Uz spisak lica iz stava (1) ovog člana, organizator putovanja priprema i informacije o vremenu i mjestu polaska na putovanje, načinu prevoza, nazivima zemalja kroz koje se putuje, informacije o konačnoj destinaciji, informacije o graničnom prelazu i vremenu povratka.
 - (3) Organizator putovanja informacije iz stava (1) i (2) ovog člana dostavlja Pododjeljenju prije polaska na putovanje.

Član 10. (Stupanje na snagu)

Ovaj pravilnik stupa na snagu osmog dana od dana objave u „Službenom glasniku Brčko distrikta Bosne i Hercegovine“.

Broj predmeta: 02-000077/21
Broj akta: 05-1535AM-0012/23
Datum, 31.5.2023. godine
Mjesto, Brčko

ŠEF ODJELJENJA
Mr. sc. Asmir Mujanović, dipl. oec., s. r.

ANEKS I

EVIDENCIJA KLICONOŠTVA

Akutno kliconošтво

[illegible]

EVIDENCIJA KLICONOŠTVA

Hronično kliconoštvo

[illegible]

ANEKS II

Naziv i adresa zdravstvene ustanove:

Broj telefona:

Elektronska adresa:

Datum prijavljivanja:

PRIJAVA KLICONOŠTVA

Prezime i ime lica:

Adresa lica:

Naziv i adresa organizacije u kojoj je
lice zaposleno (ako je zaposleno):U okviru analize biološkog materijala, obavljene dana ____ / ____ / ____ . godine, utvrđeno je
sljedeće:

1) iz brisa grla, mikrobiološki uzročnik:

2) iz brisa nosa, mikrobiološki uzročnik:

3) iz stolice, mikrobiološki uzročnik:

4) iz urina, mikrobiološki uzročnik:

5) iz krvi, mikrobiološki uzročnik:

(molimo da zaokružite i navedete odgovarajuće podatke)

Datum i broj mikrobiološkog protokola: ____ / ____ / ____ . godine, broj protokola:

Registarski broj sanitarne knjižice (ukoliko je
lice posjeduje):Datum i broj pod kojim je evidentirano lice u
Evidenciji kliconoštvu:M. P.
(zdravstvene ustanove)

Doktor medicine